

Carnaval Village ta kedando hopi bunita y ta casi cla pa Caiso Soca Contest



ORANJESTAD -- Minister di Asuntonan Economico, Comunicacion, Energia y Medio Ambiente, Ing. Mike de Meza a haci un recorrido dialuna mainta conhuntamente cu personal di N.V. Elmar, representantenan di Fundacion Musica, e contratista encarga cu e obra y su conseheronan na e Carnaval Village pa asina revisa parti di e trabaonan cu ta tumando luga den e loka ta e instalacion electrico prome cu e actividad di Soca y Caiso Contest cu ta bay inicia den e dianan aki. E mandatario a

laga sa cu e luga a keda masha bunita y tin hopi comentario positivo pa e bunita proyecto aki pa San Nicolas. E siman aki a cuminsa cu ponemento di asfalt, cual lo cay bao di e prome fase.

Segun e Minister, esaki ta e prome parti di e prome fase. Un dos siman prome cu e evento Fundacion Musica lo mester haya e parke pa cuminsa haci e setup. E ora ey e trabaonan ta stop. Despues di e contest e trabaonan lo continua pa caba cu e prome fase. E di dos fase ta encera e

construccion di e podium y e kiosconan, entre otro, el a agrega.

Aworaki tin e muraya cu a wordo traha, e hekwerk, e parti di e klinkers cu e asfalt, e cayan y e parkinglot a keda cla. Minister de Meza a gradici e contratista cu a traha duro pa e parti aki por a keda cla prome cu e contest cual a keda basta bunita. El a laga sa cu e proyecto total ta costa entre 7 pa 8 miyon florin. E prome fase mes tin un costo promedio di 5 miyon, el a agrega. □